

sa (jala)-jalahara-dhāra-sara-sēṇi | ghaṇa-gajji-huṃkāra-ravu | vijju-punja-kanniya-
bhayaṃkaru |
mahu-luddha-dhāvira-bhamara- | kula-kayaṃva-kēsara-visappiru |
niya-piya-sahiya-sihaṇḍi-kula- | paritaḍḍaviya-kalāvu
pāusa-pāmaru virahiyaba¹ | kasu na kuṇai saṃtāvu? || 543

niyavi Suravai-dhaṇubu gayaṇayali, | kalahamsa Māṇasi gamira, | sari ya dō vi cakkā¹
nivāḍira,
sinjanta cāyaga mahuru, | jala-pavāha² mahiyalu vihāḍira,
kēyai-sihari-silindha-duma- | kuḍaya-viḍavi-kusumā¹
kasu pāusi nahi virahiyaha | phuṭṭa¹ hiyaḍullā¹? || 544

virala-jalahara-varisu pasaranta- | rayañyara-kiraṇa-bharu | pikka-sāli-parimala-maṇōharu
ujjāviya-sariya-sara- | pauma¹-kamala-kalbāra-sundaru |
kusumiya-chattacchaya-vihya²- | vandhujīva-siri-sāru
duha vi payāsiya-udaya-piya- | rāyahamsaya-viyāru, || 545

hariya-kavalāṇa-muiya-gō-vagga- | sing'agga-dāriya-dharāṇi | jaṇiya-taraṇi-kiraṇōli-vittharu¹ |
parisōsiya-sayala-mahi- | valaya-pauku kaya-pahiya-saṃcaru |
niya-niya-sāmi-viōiyahā | kaya-asu(ha)hā satthāhā
kiha aigacchai saraya-riu | mahiyali jīvantāhā? || 546

saliya-mālai-vaula-viyailla- | mandāra-taru-vara-vihavu | vihiya-vairi¹-bharu kusuma-
phala-siri
paviyaṃbhira-tuhiṇa-kaṇa- | pasara-garima-parituliya-Himagiri
taṇuikaya-vāsara-samau | duguṇiya-rayāṇi-vibhāgu²
payaḍiya-pahiya-dariddiyaṇa- | viggaha-visama-vivāgu || 547

parama¹-kunkuma-niviḍa-dhavalahara- | vahu-sagaḍiya-vara-taruṇi- | surahi-tella-suhi-
vihiya-āyaru
piya-(piyaya)ma-sanga-suhu | gahiya-niviḍa-kambalaya-aṇvaru ||
dhaṇa-rahiyahā² pahu-ujjhiyahā | huhu . . . payaḍantu ||
Kālīhī khuddhau jāisai | kaiyahā ihu hēmantu? || 548

duhaya-sasaharu daiya-diṇaidu | phala-bhāra-bhajjira-vairi | hariya-valla-vintāgi-phala-
bharu
kappāsiy'annayarihī¹ | kusuma-pasara-saṃhāra-duhayaru
loddhra-piyangu-pasūṇa-bhara- | raya-ranjaviya-dasāsu |
kunda-kaliya-mālai-kusuma- | harisu viyāsiya-kāsu || 549

sayaya-nivāḍira-tuhiṇa-kampanta- | vajjanta-dantāvalihī | vihiya-vāhu-saṃbandha-
hiyahā
suhī-sajjaṇa¹-virahiyahā² | dhaṇa-samiddhi-kankhiyahā pahiyahā ||
sisiru hayāsu dahāvaṇau | kiha kusalāvahu hōi,
ṭhāyahā ṭhāṇ'antari suhiu | jahī saṃcarai na kōi? || 550

iya vicintiru pburiya-saṃtāvu | siri-Sūra-niv'angaru¹ | vasuha-viḍhi ā-varisu hiṇḍiu,
na ya sa-vayaṇa-parivihya- | niya-paiṇṇa-lōviṇa vihaṇḍiu ;
aha puva'ajjiya-sukaya-(kaya)- | dāhiṇa-nayaṇa-pphandu |
kumaru Mahiindassihu labu | pasariya-garuṇāṇandu. || 551